



UNIVERSITÄTS-  
BIBLIOTHEK  
PADERBORN

# **Sacrarvm Antiquitatvm Monvmenta**

**Hillesheim, Ludwig**

**Antverpiæ, 1577**

lonas.

---

[urn:nbn:de:hbz:466:1-68887](https://nbn-resolving.org/urn:nbn:de:hbz:466:1-68887)





Jonx 1, &  
sequent.

*Ergo ego sustinui fugisse per auiā demens,  
Detrectans Domini præcipientis opus?*

*Missus*



Missus ad Assyriam Niniuen, instantia fata  
 Urbis, & irati dicere iussa Dei;  
 Improbus obluctor iussis: timor altus adegit  
 Tendere præcipiti per freta longa, fuga.  
 Sed Deus insequitur fugientem, & concita feruent  
 Aequora, nautarum pallida turba pauet.  
 Iamq; parant quis caussa mali perquirere ductis  
 Sortibus, & cladis destinor auctor ego.  
 Mergite me, dixi, pelago, placabitur æther.  
 Iussa viri faciunt, præcipitemq; rotant:  
 Bellua quem vasto fluitantem absorbet hiatu,  
 Et penitus cæco condit auara sinu.  
 Tres abiere dies, in sicco littore cùm me  
 Ingratum vasto gutture reddit onus.  
 Sic firmanda fides rediuiui in imagine Christi,  
 Veraq; adumbratis caussa notanda fuit.  
 Assyrias iterum mittor legatus ad oras,  
 Et reprobis pœnas exitiumq; cano.  
 Tristibus admonitis fractæ formidine gentes,  
 Peccatis veniam criminibusq; rogant.  
 Longa quoque indicunt mæsto ieiunia luctu,  
 Vilibus & saccis corpora nuda tegunt.  
 Flectitur his superùm pietas, atque ira resedit:  
 Ipse queror dictis pondus abesse meis.  
 Sed moneor cælo viridantis imagine plantæ,  
 Iure Dei lentas vindicis esse manus.